

# **Badische Landesbibliothek Karlsruhe**

**Digitale Sammlung der Badischen Landesbibliothek Karlsruhe**

## **Historia Zaringo Badensis**

**Schöpflin, Johann Daniel**

**Carolsruhae, 1765**

XCV.

[urn:nbn:de:bsz:31-295118](https://nbn-resolving.org/urn:nbn:de:bsz:31-295118)

ciam possessionum predictarum, vocabula quedam propriis & cunctis nominibus duximus exprimenda. Castrum videlicet Tagisburc, castrum Girbaden, castrum Bernstein, castrum Egensheim cum omni jure & pertinentiis universis. Acta sunt hæc anno millesimo ducentesimo vigesimo sexto, quarto nonas Novembris.



## XCV.

SENTENTIA DEFINITIVA PER SIGEBERTUM COMITEM DE WERDA ET HENRICUM EIUS FILIUM LATA, QUOD HAEREDITAS DE QUA INTER HERMANNUM ET HENRICUM MARCHIONES BADENSES, NEC NON DUCEM BRABANTIAE CONTENTIO ORIEBATUR AD IPSOS MARCHIONES PER OBITUM COMITISSAE DE DAGSPURG SORORIS EORUNDEM DE JURE SIT DEVOLUTA, QUAM QUIDEM HAEREDITATEM MARCHIONES PRAEFATI BERTOLDO EPISCOPO AC ECCLESIAE ARGENTINENSI DONAVERUNT.

A N N O M C C X X V I.

*Ex archivo maioris Capituli Argent. ap. Laguille l. c. p. 34.*

**S**IGEBERTUS Dei gratia, Comes de Werde & Henricus filius ejus Comites Alsatiae, omnibus hanc paginam inspecturis salutem in perpetuum. Noverint universi praesentes & futuri qualiter nobilibus viris *Hermanno & Henrico Marchionibus de Baden*, coram nobis in judicio

publicè constitutis super hæreditate quadam filiæ fororis eorundem, Comitissæ videlicet de Dagsburg, quam ad se hæreditario jure devolutam affirmabant, cum instantia sibi justitiam petiverunt exhiberi, asserentes quemadmodum & verum esse constat in præsentia Regis & Principum in solenni Curia Wurmatienfi, ejusdem hæreditatis quæstione coram eisdem cum adversario Duce videlicet Brabantæ, in judicium legitimè deducta sit per Principes dictos, sententiatum fuisse, & universi qui se aliquid juris habere contenderent in hæreditate memorata coram illo Comite in cujus Comitia esset hæreditas ipsa sita, deberent ad invicem experiri. Nos igitur qui secundum jus terræque nostræ consuetudinem antiquam & approbatam præfatos Marchiones totius hæreditatis supradictæ veros solos & proprios hæredes invenimus, ipsam eis per sententiam definitivam, sine contradictione qualibet adjudicavimus universam & sententia solemniter lata Nobiles supradicti totam hæreditatem eandam cum omni jure & pertinentiis ejusdem, Venerabili Domino nostro Bertholdo Argentinenfi Episcopo, & Ecclesiæ suæ liberè ac donatione perpetua contulerunt ibidem. Acta sunt hæc anno Domini MCCXXVI mense Decembri juxta villam Holtzheim, præsentibus iis Reinhardo Præposito, Ulrico Scolaftico, Arnolfo Camerario, Canonicis Argentinenfibus, Henrico & Ludovico fratribus de Lichtenberg, Burkardo de Gerolzek, Ottone de Ochsenstein, Alberto & Burkardo Bege ronibus, & aliis quam pluribus.